



Mahein Nia Lian No. 15

Rekrutamento ba PNTL: Dalan Naruk ba Profesionalismu

Introdusaun

Polisia Nasional de Timor-Leste (PNTL) estabelese iha 27 fulan Marcu 2000. Dezde inisu maioria membru PNTL kompoztu husi eiz polisia Indonesia durante tempu okupasaun. Laos buat ida ke estranhу ou foun kuandu ita hare elementu eiz Polisia Indonezia barak maka iha PNTL nia laran, ho razaun katak sira iha konhesimentu kona ba regras, lei no mos esperensia barak liu du ke Polisia joven siran e'ebе maka foin rekruta.

Faze seluk ida husi rekrutamento maka inklui mos membru veteranuz no klandestina sira. Kuaze iha tinan 8 nia laran deit, numeru membru PNTL konsege atinji duni objetivu ho ema rihun tolu liu. Ita bele dehan katak kategoria husi membrus hirak ne'e barak maka iha orijinalidade ho organizasaun movimentu klandestina, grupu arte marsiais no komponentes seluk tan.

Dezde nia formasaun to'o agora, PNTL enfrenta problema barak, komesa husi violasaun ba direitu baziku sidadaun nian to'o fali membrus balu ne'ebe maka konhesidu nudar indisiplinadu no la halo tuir kodiku de konduta instituisaun nian.

Mezmu instituisaun PNTL konsege halao trainha baziku hanesan iha area Direitus Humanus ba nia membru sira, maibe durazaun de treinamentu ne'ebe badak aumenta tan ho ema nia konhesimentu ne'ebe maka limitadu e iha mos tendensia atu lakohi fo importansia ba kestaun hirak ne'e iha praktika, halo populasaun sira kestiona nafatin ejijensia membru PNTL nian iha paiz ida ne'e.

Ligasaun husi problema hirak iha leten nia konsekuensia maka krize politika-militar ne'ebe nakfera iha 2006. Depois krize 2006, ema barak sempre kestiona profesionalismu PNTL nian wainhira enfrenta problema loron-loron ne'ebe maka mosu iha sosiedade nia laran.

Kazu ida ne'e sei fresku hela iha ita nia kakutak maka wainhira tinan ida liu ba (2009), wainhira akontese jovem ida lakon nia vida iha Delta Nova, Komoro.¹

PNTL konsege identifika arguidu husi akontesimentu ida ne'e, maibe depois PNTL husik livre ema ne'ebe refere tambo konsideira katak evidencia ladung suficiente. Iha parte seluk Komandante Jeral do PNTL Komisariu Longuinhos Monteiro insista katak nia komisaun de investigasaun sei hala'o estudu balistiku atu bele identifika bala musan ou kilat ne'e mai husi nebe. Mas to'o agora resultadu balistiku ne'e mos ita la rona e kazu ne'e sai mout e lakon iha debates publiku.²

¹ Komunikadu ba Imprensa, Dili 29 Desembru 2009: Kazu Delta Comoro Horikalan: Jovem ida Mate, Ida Kanek; FRETILIN Ezigi Investigasaun Seriu.

http://faf-coimbra.blogspot.com/2009_12_01_archive.html

² Komunikadu ba Imprensa, Dili 29 Desembru 2009: Kazu Delta Comoro Horikalan: Jovem ida Mate, Ida Kanek; FRETILIN Ezigi Investigasaun Seriu.

Iha fulan hirak liu ba Instituisaun PNTL ‘nakdoko’ tan ho problema promosaun. Membrus balun ladung satisfas tamba konsideira katak iha iregularidades barak durante prosesu de promosaun ne’e be maka halo liu husi test geral.

Iha distritu balun, membrus nian diviza a’as liu fali nia komandante. Iha parte ida ne’e, hirarkia PNTL relasiona ho ‘se maka atu komanda se’ sai la klaru. Aumenta tan ho buatus balun katak membrus ne’ebé hetan promosaun barak liu maka mai husi Sekertariu do Estadu de Segunsa nia parte, e iha fatin seluk faksaun Komandante Geral PNTL Longuinhos nian barak maka kuaze la hetan promosaun.

Hanesan parte ida atu halo los ne’e eskclarese ba publiku kona ba problemas hirak hanesan mensiona iha leten. FM nia lian edisaun ida ne’e tenta atu fo hanoin diferente ruma ba publiku sobre problema iha PNTL ne’e be maka konsideira tia ona hanesan ‘labadain.’

Hanesan relatoriu simplez ida, FM sei la kobre hotu problema hirak ne’e maka akontese tiha ona. Maibe bazea ba entrevista ne’e maka FM halao ona ho fontes FM nian, ami fier katak ami sei fo ba publiku informasaun ne’ebé objetivu no iha balansiu.

PNTL: Prosesu Estabelesimentu, Rekrutamentu no Profesionalismu

Bazea ba historia luta Timor –Leste nian, no mos dokumentu planu ba paz ne’e be publika no uza nudar instrumentu kampanya ba CNRT (Conselhu Nasional do Rezistensia de Timorense) insista katak Timor-Leste ne’e beukun a’an sei la estabelese forças armadas regular ida, e eiz gerileiru sira ne’e be tun mai husi ai laran sei transforma ba Polisia Nasional ida.³

Maibe ikus mai ita hare mosu oin seluk, ho razaun katak infrenta ho ameasa ida ke seriu iha fronteira husi milisia no TNI (Tentara Nasional Indonesia), no mos infiltrazaun illegal ne’ebé halao husi milisia pro-Indonezia sira, to’o ikus konsegue muda ulun bo’ot Timor-Leste sira nia hanoin para hodi kria Força Armada ida, kompoztu husi eiz gerileiru de rezistensia sira. Depois ida ne’e F-FDTL komesa halo rekrutamentu ba nia membru foun no mos forma kompanha ho nia fungsaun oin-oin ne’ebé eziste to ohin loron. Alem de ida ne’e, Timor-Leste mos iha sira nia polisia rasik (PNTL) ne’e be hari iha 2002.

Polisia Nasional de Timor Leste (PNTL), estabelese iha dia 27 de Marcu 2000 ho rekrumentu primeiru hamutuk ema nain lima nulu. UNPOL maka halo rekruta no mos selesaun ba kandidatu Polisia sira iha Dili no mos iha distritu tomak. Prosesu rekrutamentu bazea ba kriteriu internasional hanesan fisikamente temke as (mas ou menus 155 cm ba feto no 165 cm ba mane), kandidatu sira mos temke pasa testu mediku no testu seluk tan. Laiha konsiderazaun katak kandidatu ne nudar membru pro-otonomia ou pro independensia. Tamba ida ne’e hetan protestu maka’as husi sosiedade civil sira iha Timor-Leste iha tempo ne’e ba.⁴

Iha tinan 2003, numeru PNTL hamutuk 2530, depois halo tan rekrutamentu primeira faze ho numeru 253 iha 31 de Marcu 2003.⁵

Hanesan mensiona, katak objetivu ida husi UNPOL presensa iha Timor-Leste maka atu treina Polisia Nasional Timor-Leste no prepara sira hodi asumi responsabilidade

³ Sarah Niner, *To Resist is to Win: The Autobiography of Xanana Gusmao*, p. 139. Aurora Books, 2000.

⁴ Lao Hamutuk Bulletin Volume 4, No. 2. : Maiu 2003.

⁵ Lao Hamutuk Bulletin Volume 4, No. 2. : Maiu 2003.

kompleta ba seguransa nasional iha Timor-Leste depois de UNMISSET termina sira nia misaun.⁶

Treinamentu ba PNTL inklui:

- Treinamentu baziku: treinamentu iha klase durante fulan tolu iha Akademia Polisia
- Treinamentu iha Kampu: fulan sia nia laran “treina akompanha ho servisu.”
- Treinamentu Spesialista: hanesan identifika bomba, investigasaun no inteligensia baziku
- Treinamentu Spesial: fo ba unidade spesial hanesan UIR (Unidade Intervensaun Rapida no UPF)
- Kursu Profesional: gestaun no administrazaun

Kandidatus hirak ne'e be selesiunadu tia ona sei halao treinamentu baziku iha Akademia Polisia, iha neba sira sei estuda theoria no familiarija ho knaar polisia nian. Programa treinamentu prepara husi ONU no kompozту hamutuk material lima nulu resin lima, no mos ezame fulan-fulan.

Obstaklu bot ida maka, polisia sirane'eberekuta tia ona barak maka sira nia nivel edukasaun baziku liu, tamba ne'e dala barak sira ladung kompriende materias ne'e be maka sira nia instruktur sira fo sa tan iha tempune'ebedadak.

Bazea ba relatoriune'ebepublika husi Lao Hamutuk, esplika katak treinamentu bazikune'ebemaka PNTL hetan la suficiente para hodi prepara polisia ida ke professional no tempu fulan tolu konsideira nudar apertadu liu.⁷

UNPOL rasik rekohese katak periodu ba treinamentu limitadu tebes tamba preciza tinan rua deit para hodi prepara membru PNTL ho numeru 2,830, no mos presaunne'ebemaka'as hodi atinji tan rekrutamento no treimentu ba membrune'ebefoun.⁸

Preciza atu esplika iha ne'e katak, treinamentu ba PNTL laos komesa husi UNMISSET, maibe durante UNTAET nia Missaun, iha primeiru inisius tinan 2000. Wainhira UNMISSET komesa iha 2002, PNTL eziste tia ona ho numeru 1,800. Ne'e signifika katak, iha nia mandatu tinan rua deit, UNMISSET temke fo treinamentu ba offisiasi hamutuk 1,000, laos 2,800.⁹

To'o Maiu 2002, treinamentune'ebehalao iha Akademia Polisia fornese husi ofisiais UNPOL no peritus internasional sira. Durante periodu ida ne'e, alem de tempune'ebedadak liu, komunikasaun mos sai nudar problema iha Akademia. Mayoria ofisiais UNPOL sira fo treinamentu ho lingua Inglesh, mayoria timor oanne'eberekuta ladun kompriende lingua ida ne'e. Dala ruma iha tradutor maibe ladung klaru e habadak tempu ba treinamentu nian.¹⁰

Depois de independensia, ofisiais PNTL sira komesa fo treinamentu baziku no responsabilidade ba Akademia ne'e be transfere tia ona ba PNTL, bazea ba planu ONU nian. Fungsaun UNPOL nian agora hanesan asesor tekniku, halo monitorijasaun ba klase, fo assistensia ba administrazaun no fo ajuda wainhira preciza. Sira mos prepara intstruktor PNTL no, hamutuk ho peritus internasional, fo

⁶ Lao Hamutuk Bulletin Volume 4, No. 2. : Maiu 2003.

⁷ Lao Hamutuk Bulletin Volume 4, No. 2. : Maiu 2003.

⁸ Lao Hamutuk Bulletin Volume 4, No. 2. : Maiu 2003.

⁹ Lao Hamutuk Bulletin Volume 4, No. 2. : Maiu 2003.

¹⁰ International Crisis Group: Handing Back Responsibility to Timor-Leste's Police. Asia Report N°180 – 3 December 2009

treinamentu spesializadu kona ba senariu, direitus humanus, gestaun no topiku seluk tan.¹¹

Mezmu iha treinamentu kapasitasaun barak maka halao tia ona, maibe nudar instituisaun PNTL sei fraku nafatin tamba decisaun ansine'ebehalao husi misaun ONU nian.¹² Administrazaun tranzitoriu entre 1999 no 2002 responsabilidade ba hari polisia foin. Iha esperensiane'ebela suficiente iha area ida ne'e no failha hodi dezenvolve planu ida ke komprehensivu to'o tinan 2001.¹³

Rekrutamentune'ebekomesa iha 2000 kria kombinasau entre polisiane'ebelaiha esperensia no lidera husi kuaje 370 eiz Polisia Indonesiane'ebemaka prense nivel mediu no senior. Rekrutamento foun sira ne'e hetan 'treinamento' fulan tolu, depois semana hat ba kursu baziku.

Obstaklu seluk ida tan maka, offisials internasional hanesan buat ida ke foun ba Timor-Leste. Dala barak treinador sira ne'e mos laiha esperensia. Estudu ida insista katak 'offisials internasional hirakne'ebefo treinamento dala barak laiha esperensia no konhesimentu ida ke nesesariu. Laiha koherenti, strutura strateziku, no pedagojia ida ke komprehensivu, no mos la iha farda.¹⁴

Iha parte seluk, desenvolvimentu institusional preciza urgenci do ke dezenvolve skill.

Strutura komandune'ebefraku kontribui mos ba instabilidade depois no durante independensia.

Suksesor ba administrazaun ONU faila atu aranja rekursu ida ke suficiente ba servisu ida ne'e, mezmu fo atensaun bebeik ona ba sira. Lamentasaun barak maka mosu iha tinan 2003 kona ba revisaun inklui mos 'mekanizmu keixa sivil,'ne'ebeladauk dezenvolve. Nune'e mos laiha kapasidade atu dezenha politika siguransa publiku, no laiha abilidade hodi dezenvolve orsamentu polisiane'ebemaka estabelese tia ona. Ministeriu Administrazaun Interna responsabel ba polisia maibe laiha kapasidade atu fo suporta ba polisia¹⁵

ONU mantein nia kontrola ba polisia depois de tinan rua transfere autoridade politika ba Guvernu Timor-Leste.¹⁶ Ida ne'e reflekta problema siguransa iha tempu ne'e ba, mezmu problema infiltrazaun no relasaun ho Indonesia iha fronteira. Komandante PNTLne'ebesimu kargu iha 2001 laiha poder signifikante to'o komandu no kontrola ba Polisia transfere completamente iha tinan 2004.¹⁷

Prosesu transferensia puder ne'e be han tempu halo fraku abilidade lideransa polisia nian hodi dezenvolve sira nia misaun ou identidade, laiha ekipamentune'ebediak no mos kria hela obstaklu ba futuru.

¹¹ Lao Hamutuk Bulletin Volume 4, No. 2. : Maiu 2003.

¹² International Crisis Group: Handing Back Responsibility to Timor-Leste's Police. Asia Report N°180 – 3 December 2009

¹³ International Crisis Group: Handing Back Responsibility to Timor-Leste's Police. Asia Report N°180 – 3 December 2009

¹⁴ International Crisis Group: Handing Back Responsibility to Timor-Leste's Police. Asia Report N°180 – 3 December 2009

¹⁵ Report of the United Nations Independent Special Commission of Inquiry for Timor-Leste, Geneva, 2 October 2006.

¹⁶ Republika Demokratika de Timor-Leste (RDTL) deklara nia independensia iha 20 de Maiu 2002. ONU toma konta ba kestaun Defesa no Seguransa to Maiu 2004.

¹⁷ Report of the United Nations Independent Special Commission of Inquiry for Timor-Leste, Geneva, 2 October 2006.

Implementasaun rezime de kareira foun, idane'ebesei muda dramatikamente strututura diviza, konsege hetan kansela dala barak ona, konsideira ameasane'ebebele hetan relasiona ho linhane'ebeladun diak entre Komandante Geral Polisia no Sekertariu do Estado de Siguransa. Strutura inisiu estabelese deit diviza hat iha Polisia nia laran. Promosaunne'ebedala ruma akontese bazea deit ba favor no mos relasaun spesial.¹⁸

Strutura ida nee kria imbalansiu iha polisia nia servisu, numeru 210 husi 3,200 maka hetan diviza bot liu ajente iha 2008, porsaun ida ne'e la muda durante administraun ONU nian.¹⁹ Linha entre diviza, nivel de esperensia no pojisaun la klaru no mos nunka halo revisaun ida ke independente.

Lei promosaunne'ebefo sai iha tinan ida aumenta tan diviza hamutuk sanulu resin ida, posto ida ho nia diviza rasik, no mos establese mekanizmu ba promosaun bazea ba kualidade servisu.²⁰ Implementasaun husi lei ida ne'e sei transforma polisia no sei sensitivu liu.

Komisaun Promosaunne'ebekompoztu husi ema internasional nain lima no ema Timor nain ruane'ebela partensi ba Polisia iha dever atu halo evaluasaun ba promosaun durante periodu transitoriu. Formalmente orgaun ne'e estabelese tia ona. Hirarkia foun ida ne'e mos hanesan kondisaun ida atu halo restrukturazaunne'ebemaka mandatu tia ona iha lei organiku katak postu komandu se bele fo deit ba membru ho diviza spesial.²¹

Sekertariu de Estadu mos kompila tia ona naran hirakne'ebeinvolve iha aktu indisiplinadu no taku iha quarter geral PNTL nian.

Polisia Timor Leste introduz sira nia kursu rasik ba unidade tomak iha 2008ne'ebedesenha atu reforsa sira nia *korpu de espiritu* no bele rezolve divisaun interna. Maibe obstaklu bot ida maka materiaisne'ebeuja ba treinamentu produz iha lian Portuguez. Iha partisipantes balun deit maka hatene kompriende I koalia lian Portuguez, partisipantes balun hare katak materias hirak ne'e araska tebes para atu kompriende.

Irregularidade iha Promosaun

Problema seriune'ebemaka instituiusaun PNTL infrenta durante ne'e maka oinsa atu kompriende lei. Iha parte ida ne'e, laos deit lei ba rezimu kareira, maibe mos lei ka regulamentu kona ba disiplinadu nian. E membru ne'e be maka atu hetan promosaun temke livre mos husi atus indisiplinadu hotu-hotu. Tamba ne'e Komisaun Promosaun Deviza PNTL ne'e be kompoztu husi Timor oan, Portugal, Malaysia, Australia, Nova Zelandia, Portugal sempre halo verifikasiisaun ho instituiisoens

¹⁸ International Crisis Group: Handing Back Responsibility to Timor-Leste's Police. Asia Report N°180 – 3 December 2009, p. 20.

¹⁹ Entrevista Internasional Crisis Group nian ho Secretariu de Estadu do Seguransa, Franciscu Guterres, iha Dili, 1 Oktubru 2009.

²⁰ "Regime de Promoção da Polícia Nacional de Timor-Leste", Decree Law 16/2009, 18 March 2009.

²¹ Rotasaun postu kumandu nebe hasai husi Komandante PNTL Longuinhos Monteiro hetan kritika barak nebe hare katak aktus ida ne'e sei prejudika decisau Komisaun Promosaun nian iha futuru. Pro exemplu, komandu distritu ba Dili, Baukau no Bobonaro temke fo ba offisials ida ho diviza Superintendente Chefe. "Despacho Sua Excia. Comandante-Geral da PNTL data 20 de Julho de 2009, sobre Nomeações e Transferências".

kompetente sira hotu hanesan Ministeriu Publiku, Tribunal, panel avaliaasaun, ne'e ke involve mos Nasoens Unidas sira.²²

Tamba bainhira laiha kompriensaun ba lei maka instituisaun ida bele halo buat hotu tuir sira nia hakarak. Tamba durante ne'e lei ba sira ladung sai hanesan prioridade, sira obdese liu ba ordem. Tamba agora dadaun guvernu obriga ona sira atu bele hakruk ba lei tamba ne'e komesa mosu kontradisaun barak.²³

Relasiona ho resultadu promosaunne'ebesempre hamosu kontradisaun husi membru PNTL balunne'ebeladung satisfas ho prosesu ne'e, dala barak Komandu PNTL rasik dehan katak temke involve sira iha prosesu rekruitamento no promosaun. Maibe iha dekretu lei rezime de kareira fo kompetensia tomak ba Secretaria Estadu de Siguransa atu halao prosesune'ebela iha involvementu komandu nian. Maibe komando so bele fo daduz no informasaun. Partikularmente iha parte rekursu humanus, nune'e mos departementu justisa sei fo sai se iha kazu ruma komete husi membru PNTL, no fo rekomendasau ruma sobre kandidatu ne'e be prense duni kriteriu hotu ka lae, karik balun hetan suspensaun husi sira nia institusaun tamba problema disiplinadu.²⁴

Komisaun Promosaun bazea ba sira nia decisaun ba dekretu de lei kapitulu limane'ebekoalia kona ba rezime transitoriu. Iha neba klaru katak, depois de akontese krise 2006ne'ebeharahun institusaun PNTL tumba membrus barak maka fahe malun e obdese liu sira nia a'an ba problema etniku do ke atu servi estadu demokratiku em jeral.²⁵

Dezde ida ne'e kedas guvernu desidi hodi kria komisaun ida independenti hodi bele hare prosesu hirak ne'e ho kuidadu inklui mos halo triajen ba PNTL. Ba membru PNTLne'ebemaka maka komete kazu ruma, sira so bele hetan deit sertifikadu provizoriu, no sirane'ebemaka la komete krime sei hetan sertifikadu final.²⁶

Iha parte ida ne'e, membrus PNTL sira temke kompriende lei ho didiak. Dala barak membru PNTL halo protestu no mos sente la orgulhu tumba hare katak prosesu promosaun ladun diak e justu ba sira. Tamba faktus hatudu katak sira rasik la kompriende ho klean lei numeru 16/2009.²⁷

Bazea ba lei rezime kareira nian numeru 16/2009 iha kapitulu 5 kona ba rezimi tranjisaun iha Artigu 38 hateten klaru katak sira ne'ebe iha kazu pendente no involve iha aksaun indisiplinadu no krime, sira bele tuir promosaun. Depois liu tiha prosesu testu, bele rekomenda ba postu ne'ebe deit bazeia ba sira nia kapasidade, maibe ho kondisaun katak la bele rekomenda ba postu ne'ebe komisaun tau iha lista rekomendasau, tumba temke hein to'o nia kazu bele rezolve.²⁸

Tuir Komisaun ba Promosaun Diviza PNTL, ba membru PNTLne'ebi involve iha kazu ruma maibe sei pendente, depois hetan suspensaun hahu husi loron 10 ba

²² Entrevista ho Presidente Comissao Promosaun Deviza PNTL, Isabel Fereira Dili, 9 Setembro 2010.

²³ Entrevista ho Presidente Comissao Promosaun Deviza PNTL, Isabel Fereira Dili, 9 Setembro 2010.

²⁴ Entrevista ho Presidente Comissao Promosaun Deviza PNTL, Isabel Fereira Dili, 9 Setembro 2010.

²⁵ Entrevista ho Presidente Comissao Promosaun Deviza PNTL, Isabel Fereira Dili, 9 Setembro 2010.

²⁶ Entrevista ho Presidente Comissao Promosaun Deviza PNTL, Isabel Fereira Dili, 9 Setembro 2010.

²⁷ STL, Kuarta, 20 de Outubru, 2010.

²⁸ STL, Kuarta, 20 de Outubru, 2010.

leton, ne'e signifika katak, nia lakon ona direitu ba nia promosaun. Nia la bele promovidu tamba nafatin ho nia nivel hanesan uluk, pro-ezemplu inspektur ou sub-inspektur. Sira temke mantein nafatin ho postun e'ebé sira hetan iha tempu uluk. Maibe kuandu kona ba ajenti, sira temke hein to'o sira kompleta sira nia suspensaun, no bele hetan promosaun kedes, maibe kuandu sira nia kazu la rezolve maka sira sei lakon sira nia direitu ba promosaun.²⁹

Kestaun kompriensaun kona ba lei iha instituisaun PNTL nia laran sai hanesan prekupasaun laos ba deit Komisaun ba Promosaun Diviza, maibe mos ba membru PNTL rasik. Mezmu PNTL rasik tau sira nia membru nain rua iha neba, nudar parte husi Komisaun Promosaun Diviza. Maibe kona ba prosesu de promosaun, Komisaun deit maka iha poder tomak atu desidi. Tamba ne'e, ulun bo't sira iha instituisaun PNTL iha never ida ke bot atu esplika lei ne'e ba nia membrus sira.³⁰

Iha irregularidades barak durante halo promosaun ba PNTL, tamba tuir rezime promosaun PNTL nian, katak emane'ebepromove ba difiza Sarjentu to'o inspektur sefe so emane'ebedurante ne'e asumi kargu ruma tuir Rezime Promosaun PNTL, maibe realidade hatudu katak, wainhira tula diviza membrusne'ebemaka la mensiona iha Regime Promosaun PNTL mos promove ba Diviza Sarjentu.³¹

Problema ida seluk maka iha postu balun so vale deit ba sirane'ebiha esperensia maksimu no iha diploma akademiku hanesan D3, D4, SI no balun S2 (Mastradu) no universitariu. Mezmu balun hetan deviza to'o ajenti maibe seidauk iha esperensia servisu. Tamba ne'e Komissaun de Promosaun fo rekomendasau tuir kriteria testu profisionais no testu propriu ida kona ba kultura em jeral, depois soma hamutuk sira nia progresu husi notas rua ne'e, e kuandu pasa, automatikamente foti ba Inspeitur Asistente.³²

Iha faze ida ne'e maka hamosu kontradisaun barak, tamba ho hanoin katak esperensia ho nivel de edukasaun nudar buat ruane'ebedifferenti. Ema iha nivel edukasaunne'ebesufisiente ho titlu Doutor, Mastrandu, Diploma, la signifika katak sira mos iha esperensiane'ebesufisiente. Nune'e mos wainhira iha esperensia maibe kuandu edukasaun la suficiente para atu supporta membru ida nia kariera ba oin, mos sei hamosu problema. Tamba ida ne'e, PNTL hanesan instituisaun temke halo esforsu para fasilita elementu importante rua ne'e, oinsa esperensia de servisu no kapasidade intelektual bele integra hamutuk nudar instrumentu ida deit para dezenvolve PNTL ba nivel professional.

Mezmu dezde tinan 2002 to'o agora, PNTL hetan asistensia tekniku husi UNPOL, maibe durante ne'e UNPOL seidauk transfere hotu matenekne'ebesira iha pro-ezemplu hanesan konhesimentu sobre ekipamentu sopistikadune'ebemaka UNPOL sira utiliza durante halau operazaun iha Timor laran tomak.

Problema Gestaun no mal administrazaun iha Instituisaun nia Laran

Dezde nia estabelisementu to'o agora, problema seriune'ebi PNTL sempre infrenta maka mal administrazaun no problema gestaun em jeral hanesan instituisaun ida.

²⁹ Entrevista ho Presidente Comissao Promosaun Deviza PNTL, Isabel Fereira Dili, 9 Setembro 2010.

³⁰ STL, Kuarta, 20 de Outubru, 2010. *Komando PNTL Perciza Esplika Lei Promosaun ba Membru Polisia.*

³¹ Assosiasaun HAK: Relatoriu Rezultadu Monitorizasaun "Promosaun Diviza PNTL." Dili, 13 Juilu 2010.

³² Assosiasaun HAK: Diskusaun Limitadu hodi buka solusaun ba problema promosaun deviza ba Membru PNL. Dili, 15 de Junhu 2010.

Komesa kendas husi tempu Ministru Interior Rogerio Lobato, to'o nakfera krisi politika-militar iha 2006, problema mal administrasaun iha PNTL nia laran seidauk bele rezolve e bele dehan sai agunia liu tan. Problema ida ne'e sai seriu liu tan wainhira Primeiru Ministru Kayrala Xanana Gusmao desidi hodi foti Longuinhos Monteiru, eiz Prokurador Geralne'ebemos komete kazu korupsaun barak durante kaer nia kargu no mos nudar figura ida ke kontroversial.³³

Longuinhos mos halibur nia a'an ho figura hirakne'ebemaka besik liu ba nia no ladung simu kritikane'ebemaka mai husi membru Parlamentu Nasional, Sosiedade Civil no entidades seluk tan.³⁴

Pro-ezemplu hanesan orsamentune'ebemaka Parlamentu Nasional pasa tia ona para hodi estabelese postu PNTL nian iha fatin hotu-hotu la lao tuir planu. Ikus mai postu ba Polisia hirak ne'e konsege hari duni, maibe nia orsamentu laos mai husi Orsamento Geral de Estadune'ebemaka aprova tia iha Parlamentu Nasional, maibe eksekuta fali husi Pakote Referendum.³⁵

Alem de ida ne'e, orsamentune'ebemaka guvernu aloka para atu hola HT (Handy Talkie) han tempu ida ke kleur, no laiha razaun ida ke klaru para hodi esplika prosesu ida ne'e. Dezde Longuinhos kaer kargu nudar Komandanta Geral PNTL, problema mal jestaun aumenta ba bebeik e at liu fali tempu uluk, tamba ne'e membru Parlamentu balun la satisfas ho nia servisu.³⁶

Problema ida selukne'ebemaka membrus PNTL sira enfrenta—liu-liu sirane'ebehalao kna'ar iha Distritus—maka problema meius de transportasaun (motor, kareta). Tuir estimasaun, PNTL hamutuk iha kuaze 200 karus, no husi montante ida ne'e 84 karus deit maka distribui ba postu sira iha Distritus, seluk konsentra hotu iha Dili.³⁷

Foin dadauk PNTL mos hetan tan kuaze motorizada hamutuk 100 ital no komputador hamutuk 100. Maibe iha tempu pasado, tamba ho razaun eletrisidadene'ebelakan mate, entaun guvernu desidi hodi fornese laptop ba postu PNTL sira iha distritu, maibe iha kazu barak komandante sira 'privatiza' fali sasan instituisaun nian, lori ba rai iha uma no halo servisu barak sai la lao.³⁸

Krime, Indisiplinadu no Promosaunne'ebePendente

Problema seriu seluk tan relasiona ho lideransa maksimu balun iha PNTL nia laranne'ebekometa kazu maibe hetan promosaun nivel altu nafatin. Mezmu kritikas barak mosu sobre atus hirak ne'e, maibe realidade hatudu katak Komando Geral do PNTL avansa nafatin ho nia programa.

Esemplu atual maka akontese ho Komandante Interpol, Jorge Monteiru. Tuir Komisaun Promosaun Diviza PNTL,³⁹ tuir lolos Jorge Monteiru seidauk bele hetan

³³ Entrevista ho Aderitu Hugo, membru Parlamentu Nasional husi Komisaun B. Dili, 23, 09, 2010.

³⁴ Entrevista ho Aderitu Hugo, membru Parlamentu Nasional husi Komisaun B. Dili, 23, 09, 2010.

³⁵ Entrevista ho Aderitu Hugo, membru Parlamentu Nasional husi Komisaun B. Dili, 23, 09, 2010.

³⁶ Entrevista ho Aderitu Hugo, membru Parlamentu Nasional husi Komisaun B. Dili, 23, 09, 2010.

³⁷ Dada lia ho fontes importante FM nian, Dili, 19, 10,2010.

³⁸ Dada lia ho fontes importante FM nian, Dili, 19, 10,2010.

³⁹ Entrevista ho Isabel Fereira, Presidente Comssaun de Promosaun do PNTL Dili, 9 Setembro 2010.

promosaun tamba nia kazu sei pendente hela, maibe ikus mai publiku hatene katak nia hetan promosaun ba Komandan Interpol. Pozisaun ida konsideira nudar importante tebes e temke tau emane'ebemaka iha integridade.⁴⁰

Kazu sira iha leten, nudar kazune'ebemaka publiku hatene tia ona, la inklui kazu sira seluk sobre mekanizmu promosaun iha PNTL nia laranne'ebemaka viola regulasaun no rezimi de kareira.

Ba tinan 2010, listane'ebemaka guvernu aprova para hodi hetan promosaun bazea ba Resolusaun do Guvernu dia 24 de Marsu 2010 ba postu foun rezimi kareira PNTLne'ebeinklui mos Inspektur, Sub-Inspektur, Ajentes Senior no Ajentes, hamutuk total husi 3115.⁴¹

Posto	Numero de Vagas
Komisarius	2 ⁴²
Superintendente Chefe	12
Superintendente	20
Superintendente Assistente	24
Inspector Chefe	41
Inspector	41
Inspector Assistente	129
Sargento Chefe	87
Primeiro Sargento	42
Segundo Sargento	335
Agente Chefe	1
Agente Senior	3
Agente	172
Total de vagas 909	

Fontes: Relatoriu do Trabalho do Secretariado de Apoio a Comissao Promocoes da PNTL no Periodo Transitorio

Komesa husi periodu fulan Novembru de 2009 no Marsu 2010, SES inisia reuniaun ho Departementu de Justisa PNTL nian, no mos ho Prokurador Jeral da Republika (PGR), para hodi desidi lista final ba membrus PNTLne'ebemaka sei komete krimi no indisiplinadu. Lista finalne'ebepublika iha loron 4 de Dezembru, husi membrus PNTL hamutuk 3086 maka elegiveiz e 80 la elegiveiz (lista ida ne'e la inklui Agentes 2ne'ebeRekruta):

Kategoria	Lista Dahuluk	Lista Ikus Liu
Elegiveiz	3043	3086 (29 Inspektur, 177 Sargentu, e 2880 Agentes)
La elegiveiz-Sertifikasioun e Krime	4 (Agentes 4)	2 (Agentes 2)
La elegiveiz-Sertifikasioun	2 (Agentes 2)	2 (Agentes 2)

⁴⁰ Entrevista ho Aderitu Hugo, membru Parlamentu Nasional husi Komisaun B. Dili, 23, 09, 2010.

⁴¹ Envio Relatoriu de Trabalho do Secretariado de Apoio A Comissaun Promocoes da PNTL no Periodo Transitorio.

⁴² Antes ne'e Afonso de Jesus kaer kargo nudar Komandante Geral PNTL ho Diviza Superintendente. Depois de poder ne'e transferensia ba Longuinhos Monteiro iha dia 27 de Marsu 2009, Afonso nia Diviza mos promove a hasae ba Komisario hanesan mos ho Longuinhos maibe sira nia kargu deit maka diferente hanesan mensiona iha leten.

e Disiplina		
La elegiveiz-Sertifikasi	65 (Agentes 60 no Primeiru Sargentu 5)	49 (46 Agentes no Primeiru Sargentu 3)
La elegiveiz-Krime	30 (Agentes 26 no Primeiru Sarjentu 4)	9 (Ajenti 9)
La elegiveiz-Disiplina	24 (Agentes nain 20 no Primeiru Sarjentu nain 4)	17 (Agentes nain 14 no Primeiru Sarjentu 3)
Kazu Pendente	290 (246 Ajentes, 35 Primeiru Sarjentu no Inspektur nain 7)	296 (253 Ajentes, 37 Primeiru Sarjentu e Inspektur nain 6).

Fontes: Envio do Relatoriu de Trabalho do Secretariado de Apoio a Comissao Promocoes da PNTL no Periudo Transitorio.

Hare husi numeru iha leten, ita bele dehan katak numeru kazu indisiplinadu no krime barak tebes. Faktus ida ne'e mos fo hanoin ba ema hotu, PNTL nudar instituisaun preciza dezenvolve nia a'an ba dalan profesionalismu. Bazea ba kazu pendente sira hanesan mensiona iha tabela, to'o agora ita mos seidauk iha klarifikasi saun husi Komando Geral PNTL sobre decizaun saida maka sira foti ona sobre postu hirakne'ebesalienta ona iha leten. Tamba ikus fali ita rona katak mezmu membrus balun sira kazu sei pendente hela, maibe hetan ona promosaun ba postu importante balun. Iregularidade hirak hanesan preciza hadia iha tempu badak para atu bele minimiza konfusaun no kritika husi sosiedade ba instituisaun ida ne'e.

Rekomendasaun

FM rekomenda, iha tempu oin mai Komisaun Promosaun Diviza PNTL bele involve liu tan entidades sosiedade civil, igreja no grupus akademiku no intelektual sira hodi husu sira nia opiniaun sobre promosaun ba PNTL.

FM rekomenda, PNTL nudar instituisaun preciza halo treinamentu ho fo atensaun ba direitus Humanus Basico nia membrus sira para bele kompriende direitu sidadaun nian no trata sidadaun hanesan parseiru laos entidades ida ke separadu.

FM rekomenda, Komando Geral PNTL atu bele introduz lei kona ba rezimi kareira, mekanizmu promosaun no kestaun tekniku seluk tan ba nia membrus sira para atu labele hamosu tan konfuyaun no lamentasaun husi membrus PNTLne'ebemaka la satisfas ho mekanizmu promosaun diviza.

FM rekomenda ba Komando Geral PNTL no Komisaun Promosaun Diviza PNTL atu tula responsabilidade ba membrus PNTL nia kabas bazea ba esperensia, kapasidade de servisu, etiku no disiplinado, laos bazea ba relasaun emosional no relasaun familiarez.

FM rekomenda ba Komando Geral PNTL atu konsistente nafatin ho mekanizmu promosaun diviza, signifika katak membrus PNTLne'ebemaka la eligivel tamba involve kazu krime, indisiplinadu no atus seluk tan, laiha razaun ba sira para atu hetan promosaun to'o sira nia kazu rezolve iha tribunal ou atravez de mekanizmu selukne'eberefere.

Fontes de Informasaun no Entrevista

Assosiasaun HAK: Relatoriu Rezultadu Monitorizasaun "Promosaun Diviza PNTL." Dlli, 13 Juilu 2010.

Assosiasaun HAK: Diskusaun Limitadu hodi buka solusaun ba problema promosaun deviza ba Membru PNL. Dlli, 15 de Junhu 2010.

“Despacho Sua Excia. Comandante-Geral da PNTL data 20 de Julho de 2009, sobre Nomeações e Transferências”.

Dada lia ho fontes importante FM nian, Dili, 19, 10,2010.

Entrevista Internasional Crisis Group nian ho Secretariu de Estadu do Siguransa, Franciscu Guterres, iha Dili, 1 Oktubru 2009.

Entrevista ho Presidente Comissao Promosaun Deviza PNTL, Isabel Fereira Dili, 9 Setembro 2010.

Entrevista ho Aderitu Hugo, membru Parlamentu Nasional husi Komisaun B. Dili, 23, 09, 2010.

International Crisis Group: Handing Back Responsibility to Timor-Leste’s Police. Asia Report N°180 – 3 December 2009

Komunikadu ba Imprensa, Dili 29 Desembru 2009: Kazu Delta Comoro Horikalan: Jovem ida Mate, Ida Kanek; FRETILIN Ezigi Investigasaun Seriu.
http://faf-coimbra.blogspot.com/2009_01_archive.html

Lao Hamutuk Bulletin Volume 4, No. 2. : Maiu 2003.

Report of the United Nations Independent Special Commission of Inquiry for Timor-Leste, Geneva, 2 October 2006.

“Regime de Promoção da Polícia Nacional de Timor-Leste”, Decree Law 16/2009, 18 March 2009.

Sarah Niner, *To Resist is to Win: The Autobiography of Xanana Gusmao*, p. 139. Aurora Books, 2000

STL, Kuarta, 20 de Outubru, 2010.

STL, Kuarta, 20 de Outubru, 2010. *Komando PNTL Perciza Esplika Lei Promosaun ba Membru Polisia.*